

На основи Програми роботи за 2013. рок и Одлуки Надпатраючого одбору Розвойного фонду Автономней Покраїни Войводини д.о.о. Нови Сад,

Розвойни фонд Автономней Покраїни Войводини д.о.о. Нови Сад розписує

**КОНКУРС
ЗА ДОДЗЕЛЬОВАНЄ ДЛУГОРОЧНИХ КРЕДИТОХ ЗА РОЗВОЙ
ПОЖИВОВО-ПРЕРАБЯЦКЕЙ ИНДУСТРИЇ**

1. ЦИЛІ ДОДЗЕЛЬОВАНЯ СРЕДСТВОХ

Основни цилі додзельованя кредитох то обезпеченє финансйних средствох за потримовку реализації синергійних проєктох у обласци польопривредней продукції и поживово-прерабляцкей индустриї преїг здружованя векшого числа продуковательох – учашнікох у польопривредней и поживово-прерабляцкей продукції пре звекшанє продукційно-прерабляцких потенциялох и маґазинских капацитетох, унапредзенє конкурентносци и zlepшанє вивозних позиційох АП Войводини.

За реализацию теї кредитней линії плановани средства у суми 150.000.000,00 динари.

2. ХАСНОВАТЕЛЄ КРЕДИТОХ

Право участвовац на конкурсу маю:

1. правни особи катеґоровани як мали або штредні подприємства (у складзе зоз членом 7. Закона о рахунководстве), реґистровани за окончованє польопривредней діялносци и/або діялносци поживово-прерабляцкей продукції,
2. земледілски задруги хтори маю задружну власносц (согласно члену 49. Закона о задругох),

шицки зоз шедзиском на території АП Войводини.

Право участвовац маю и правни особи – мали и штредні подприємства хтори реґистровани за окончованє польопривредней діялносци, односно діялносци поживово-прерабляцкей продукції з реґистрованим конаром на території АП Войводини, з обовязку же би инвестицию, хтору ше финансиє зоз средствами Розвойного фонду АП Войводини д.о.о. Нови Сад (у дальшим тексту: Фонд), реализовали на території АП Войводини.

По тим конкурсу вимаганє може поднесц лєм єден зоз потенциалних хасновательох кредиту хтори ше, спрам позитивних законских предписаньох, тримаю за повязани правни особи.

3. НАМЕНКА СРЕДСТВОХ

Кредити ше будзе додзельовац за реализацию капиталних инвестиційох у обласци продукції поживи, односно поживово-прерабляцкей продукції, за установйованє кооперативних одношеньох у дзепоедних сегментох и продукційних процесох пре запровадзованє високих стандардох у технології продукції, маґазинованя и преробку.

4. УСЛОВИЯ КРЕДИТОВАНЯ

- **минимална вредносц инвестиції хтору ше финансиє по тим конкурсу 30.000.000,00 динари;**
- **максимална сума кредиту 50.000.000,00 динари;**
- применьованє валутней клаузули;
- **каматна стопа:**
 - 3% на рочним уровню за кредити хтори обезпечени з ґаранцию діловней банки,

- 4% на рочним уровню за кредити хтори обезпечени з ипотеку;
- **власна учасц:** најменей 20% предрахунковой вредносци предмету кредитованя (без обацаючих средствох);
- **термин за врацанє кредиту:** 5 роки, у рамикох хторих облапени грейс период у тирваню од 24 мешацох;
- **ануитети ше обраховює и плаци квартално.**
У грейс периоду ше мешачно обраховює и плаци интеркаларну камату у висини контрактowanej каматней стопи;
- **обезпеченє кредиту:**
 - штири вексли подношителя кредитного вимаганя по тим конкурсу зоз вексловим овласценьом, у складзе зоз Законом о платним обтоку, хтори уписани до Регистру векслох при Народней банки Сербии,
 - два власни вексли зоз вексловим овласценьом (власника, снователя або директора),
 - рученє правних особох и поднимательох, сновательох привредного дружтва хторе подношитель кредитного вимаганя по тим конкурсу и
 - гаранция діловней банки або заложне право першого шора на польопривредней жеми на хасен Фонду, чия вредносц спрам прецени овласценого експерта минимално 30% векша од вимаганей суми кредиту.

5. МИНИМАЛНИ УСЛОВИЯ

За подношительох кредитного вимаганя хтори ділюю кратше як єден рок важи шлїдующе минималне условие:

- Нет невимирени обовязки по основи порцийох и инших явних приходох.

За подношительох кредитного вимаганя хтори ділюю длузей як рок важа шлїдуюци минимални условия:

Кед як инструмент обезпеченя даю гаранцию діловней банки:

- Нет досцигнути невимирени обовязки гу Фонду.
- Нет невимирени обовязки по основи порцийох и инших явних приходох.

Кед як инструмент обезпеченя даю ипотеку на польопривредней жеми важа и инши минимални условия:

- Кредитна история (нет досцигнути невимирени обовязки гу банком и другим финансовим институцийом хтори старши од 60 дньох по гоч якей основи).
- Число дньох блокади у остатних 12 мешацох не векше од 30 дньох.
- Рочни финансови звит за предходни рок.
- Ділованє зоз діловним и нето прибутком.
- Сума вкупней краткорочней задлуженосци при Фонду, банкох и других финансових институцийох не векша од 30% витворених рочних приходох.

6. ПОДНОШЕНЄ ВИМАГАНЯ И ПОТРЕБНА ДОКУМЕНТАЦИЯ

Вимаганє за додзельованє средствох ше подноши на формуларе – Вимаганє за одоброванє кредиту (у дальшим тексту: Вимаганє). Вимаганє мож превжац на електронски способ зоз интернет боку www.rfapv.rs або у просторийох Фонду, на адреси Булевар цара Лазара 7а Нови Сад.

Надополненє за обробок кредитного вимаганя виноши: **10.000,00 динари.**

Надополненє за хаснованє услугох Кредитного бироа виноши: **1.440,00 динари.**

Уплацованє за надолпненя ше окончує на рахунок Розвойного Фонду АПВ число **200-2626900101001-56**; поволанка на число **0363001101**.

ДОКУМЕНТАЦИЈА ХТОРУ ШЕ ПОДНОШИ НА КОНКУРС:

1. Виполнени формулар *Вимагане за одоброване кредиту* з доказом о уплацовану наведзених трошких.
2. Виполнени формулар *Виява о повязаних особох*.
3. Виполнени и подписани формулар *Вимагання/Согласносци* за поцаговане звиту Кредитного бироа.
4. Подписани документ з назвами учашнікох у заедніцкей инвестициї, односно кооперантским сотрудніцтве, з начишлєнимима обовязками, правами и другима елементами хтори ше одноша на учашнікох у реализациї инвестициї и ей дальшим хасновану, односно обовязками хтори виходза зоз кооперантского сотрудніцтва (спорозумєне, контракт або другу файту документу з наведзеним змистом).
5. Діловни план по моделу Фонду, односно проєкт о заедніцкей инвестициї хтори прилаплїви за Фонд.
6. Фотокопії сновательного акта подношителя кредитного вимагання.
7. Фотокопия ОП формулару.
8. Фотокопия депо картону.
9. Потвердзєне діловних банкох о просєковим стану и обтоку на рахунку за предходни и чечуци рок (кед период ділованя длугши як єден рок), односно за период ділованя (кед є кратши як єден рок).
10. Потвердзєне компетентних орґанох о вимирених обовязкох по основи порцийох и инших явних приходох, не старше од 30 дньох.
11. Комплетни рочни урядови финансийни звит за предходни рок.
12. Бруто биланс зоз пейцифровима рахунками на дзєнь подношеня Вимагання, Спецификация за остатні рочни рахунок и на дзєнь подношеня Вимагання шлїдующих рахункох: 202 (Купци у жеми), 203 (Купци у иножемстве), 433 (Добавяче у жеми), 434 (Добавяче у иножемстве).
13. Кед подношитель вимагання основани у чечуцим року, рочни урядови финансийни звит за предходни рок за правни особи и поднімательох сновательох подношителя вимагання.
14. Предрахунок предмету кредитованя.
15. Предрахунок вкупней инвестициї зоз спецификацию роботох на вибудови и адаптациї будовательних обєктох.
16. При вибудови и адаптациї будовательних обєктох - локацийну дозволу и будовательну дозволу хтору видал компетентни орґан управи.
17. Доказ о уложеной 20% предрахунковой вредносци предмету кредитованя (без обрацающих средствох)

- рахунки о вивершених укладаньох зоз выводами чечуцих рахункох на хторих евидентовани плацєня.

Наведзени укладаня муша буц у рамикох инвестициї хтору ше финансиє зоз вимаганием кредитом и муша буц вивершени у остатнім року у одношеню на дзєнь обявйованя Конкурса.

Подношитель кредитного вимагання хтори свою учасц витворя преїг плацєня найменей 20% предрахунковой вредносци предмету кредитованя, не маю обовязку доручиц документацию яка наведзена под тачку (17), але длужни наведзени средства уплатиц пред реализованьом кредиту.

18. Документация за обезпечєне кредиту:

- Штири вексли зоз вексловим овласцєньом у складзе зоз Законом о платним обтоку, хтори уписани до Регистру векслох при Народней банки Сербїи,
- Два власни вексли зоз вексловим овласцєньом (власніка, снователя або директора),
- По два вексли ручительох правних особох и поднімательох, сновательох привредного дружтва хторе подношитель кредитного вимагання по тим конкурсу,
и
- Кед инструмент обезпечєня ипотека на польопривредней жеми:
 - Вивод зоз ґрунтовних кнїжкох або катастру за нерухомосц за польопривредну жем хтора предмет ипотеки, не старши од 15 дньох од дня подношеня вимагання,
 - прецена тарґовищней вредносци польопривредней жеми од овласцєного експерта одвитующего фаху,
 - фотокопия особней легїтимациї власнікох и супружнікох шицких власнікох польопривредней жеми,

- одлука орґана управяня о кладзеню гипотеки на польопривредну жем кед вона у власности правней особи.

После одобрования кредиту з боку Фонду потребне доручиц и:

- полису осигураня засаду винкуловану на хасен Фонду, кед польопривредна жем под засадами.
- Кед инструмент обезпеченя ґаранция:
 - писмо о намирох діловней банки о видаваню ґаранциї.

**Правни особи хтори як инструмент обезпеченя по вимаганям кредиту предкладаю ґаранцию діловней банки, не маю обовязку доручиц документацию под подточками 9, 12, 13.*

Конкурс отворени по вихасновйованє средствох яки плановани за його реализацию.

Вимаганє зоз комплетну потребну документацию з точки 6. Конкурса ше подноши Розвойному Фонду Автономней Покраїни Войводини д.о.о. Нови Сад, на адресу: Булевар цара Лазара 7а, 21000 Нови Сад, Сектору за кредити, або по пошти на исту адресу.

Вимаганя хтори ше поднесе после завераня Конкурса, як и вимаганя хтори не виполнюю минимални условия яки наведзени у точки 5. Конкурса, ше не будзе розпатрац.

Шицки додатни информации мож достац особне на адреси: Булевар цара Лазара 7а, Нови Сад, у Секторе за кредити; на електронски способ: office@rfapv.rs або на телефон: 021/454-334; 021/450-698; 021/450-702; 021/6351-022; 021/6351-014.

РОЗВОЙНИ ФОНД АВТОНОМНЕЙ ПОКРАЇНИ ВОЙВОДИНИ

НАДПАТРАЈУЦИ ОДБОР

Обробел:

Борислав Вуїч, помоцник директора сектору за кредити _____

Елена Дюрович, самостойни фахови сотрудник за управяне з кредитним ризиком и кредитним портфолиом _____

Елена Цветан, помоцник директора сектору за діловну потримовку _____

Снежана Репац, совитник директора _____

Соня Йович, координатор за приманє документациї, обробок, администрацию и наплацованє _____

Предкладач:

Горан Ходоба, директор _____